



*Komisija za Statut i akte*

Broj: 04-GV-04-50/22

Sarajevo, 14.01.2022. godine

**ZAPISNIK O RADU**  
**22. SJEDNICE KOMISIJE ZA STATUT I AKTE**  
**GRADSKOG VIJEĆA GRADA SARAJEVA**  
*održane 14.01.2022. godine*

Prisutni:

1. Toni Vukadin, predsjedavajući
2. Dženan Tikveša, zamjenik predsjedavajućeg
3. Nihad Uk, član
4. Muamer Mekić, član
5. Alma Čengić, članica
6. Selvira Vilić, članica
7. Bajro Biber, član
8. Drago Jurić, član
9. Vedran Dodik, član

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe Gradskog vijeća Grada Sarajeva

Sjednici prisustvuju:

- Meliha Olovčić, pomoćnica Gradonačelnice za opću upravu i zajedničke poslove
- Tarik Zečić, ispred Gradske službe za urbano planiranje, investicije, stambene i komunalne poslove,
- Adisa Baždar, ispred Gradske službe za obrazovanje, kulturu, sport i mlade
- Nerim Šišić, ispred Gradske službe za obrazovanje, kulturu, sport i mlade

Sjednici prisustvuje i Senka Ibrišimbegović, direktorica JU „Gradski muzeji“ Sarajevo.

Predsjedavajući Komisije je u 10.36 sati otvorio sjednicu Komisije, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 21. sjednice Komisije za Statut i akte Gradskog vijeća Grada Sarajeva održane 28.12.2021. godine.

Na prijedlog Predsjedavajućeg, Komisija za Statut i akte je jednoglasno usvojila **sljedeći dnevni red**:

1. Mišljenje o Prijedlogu Odluke o stipendiranju učenika srednjih škola iz Budžeta Grada Sarajeva
2. Mišljenje o Prijedlogu Odluke o opredjeljenju Grada Sarajeva za pristupanje Projektu obnove Olimpijske bob staze na Trebeviću
3. Mišljenje o Prijedlog Odluke o davanju saglasnosti na Program rada JU „Gradski muzeji“ Sarajevo sa finansijskim planom za 2022. godinu
4. Mišljenje o Prijedlogu Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2021/2022. godinu
5. Mišljenje o Prijedlogu Odluke o izmjenama i dopunama Odluke o platama i naknadama u organima Grada Sarajeva
6. Mišljenje o Prijedlogu Odluke o visini novčanog iznosa „Šestoaprilske nagrade Grada Sarajeva“ u 2022. godini
7. Tekuća pitanja



## TAČKA 1.

### *Mišljenje o Prijedlogu Odluke o stipendiranju učenika srednjih škola iz Budžeta Grada Sarajeva*

Uvodno izlaganje i odgovore na pitanja dala je Adisa Baždar, ispred Gradske službe za obrazovanje, kulturu, sport i mlade.

U raspravi su učestvovali Predsjedavajući i zamjenik Predsjedavajućeg Komisije za Statut i akte, te iznijeli prijedloge da je potrebno Odluku nomotehnički urediti, kao i da se u članu 13. iza riječi „svake godine za narednu“ doda riječ koja glasi: „školsku“, što je predstavnik predlagača i prihvatio.

Poslije uvodnog izlaganja i diskusije, na prijedlog Predsjedavajućeg, Komisija za Statut i akte je jednoglasno usvojila sljedeće **zaključke**:

1. Komisija za Statut i akte ukazuje na obavezu usklađivanja predložene Odluke sa Jedinim pravilima za izradu pravnih propisa u institucijama Bosne i Hercegovine („Službeni glasnik Bosne i Hercegovine“, broj 11/05), a što je i propisano Poslovnikom Gradskog vijeća Grada Sarajeva.
2. Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o stipendiranju učenika srednjih škola iz Budžeta Grada Sarajeva* kako je predložena, uz uvažavanje zaključka broj 1. i sugestije prihvaćene od strane predstavnika predlagača.

## TAČKA 2.

### *Mišljenje o Prijedlogu Odluke o opredjeljenju Grada Sarajeva za pristupanje Projektu obnove Olimpijske bob staze na Trebeviću*

Uvodno izlaganje podnio je Tarik Zečić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o opredjeljenju Grada Sarajeva za pristupanje Projektu obnove Olimpijske bob staze na Trebeviću*, kako je predložena.

## TAČKA 3.

### *Mišljenje o Prijedlogu Odluke o davanju saglasnosti na Program rada JU „Gradski muzeji“ Sarajevo sa finansijskim planom za 2022. godinu*

Uvodno izlaganje podnijela je Senka Ibršimbegović, direktorica JU „Gradski muzeji“ Sarajevo.

Poslije uvodnog izlaganja, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o davanju saglasnosti na Program rada JU „Gradski muzeji“ Sarajevo sa finansijskim planom za 2022. godinu*, kako je predložena.

#### TAČKA 4.

*Mišljenje o Prijedlogu Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2021/2022. godinu*

Uvodno izlaganje u svojstvu Predlagača podnio je Nihad Uk, predsjedavajući Komisije za izbor i imenovanja.

Predsjedavajući Komisije je predložio, a članovi Komisije su prihvatili, da se zatraži od predlagača da povuče ovu Odluku dok ne stupi na snagu Odluka o stipendiranju učenika srednjih škola iz Budžeta Grada Sarajeva, koju će Gradsko vijeće razmatrati na svojoj sljedećoj sjednici i očekuje se da će je usvojiti.

Poslije diskusije, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte predlaže Komisiji za izbor i imenovanja Gradskog vijeća Grada Sarajeva kao ovlaštenom predlagaču, da povuče predloženu *Odluku o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2021/2022. godinu*, dok ne stupi na snagu Odluka o stipendiranju učenika srednjih škola iz Budžeta Grada Sarajeva, koju će Gradsko vijeće razmatrati na svojoj sljedećoj sjednici i očekuje se da će je usvojiti, te da Prijedlog Odluke utvrdi na osnovi buduće Odluke o stipendiranju učenika srednjih škola iz Budžeta Grada Sarajeva.

#### TAČKA 5.

*Mišljenje o Prijedlogu Odluke o izmjenama i dopunama Odluke o platama i naknadama u organima Grada Sarajeva*

Uvodno izlaganje podnijela je Meliha Olovčić, pomoćnica Gradonačelnice za opću upravu i zajedničke poslove.

Poslije uvodnog izlaganja, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o izmjenama i dopunama Odluke o platama i naknadama u organima Grada Sarajeva*, kako je predložena.

#### TAČKA 6.

*Mišljenje o Prijedlogu Odluke o visini novčanog iznosa „Šestoaprilske nagrade Grada Sarajeva“ u 2022. godini*

Na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o visini novčanog iznosa „Šestoaprilske nagrade Grada Sarajeva“ u 2022. godini*, kako je predložena.

*TAČKA 7.*  
*Tekuća pitanja*

Pod ovom tačkom dnevnog reda nije bilo zaključaka.

*PREDSJEDAVAJUĆI KOMISIJE*

*Toni Vukadin, s.r.*

Predsjedavajući Komisije je u 11.05 sati zaključio rad 22. sjednice Komisije za Statut i akte Gradskog vijeća Grada Sarajeva.